

UNIVERZITET U SARAJEVU

FILOZOFSKI FAKULTET

Na osnovu članova 79. i 83. Zakona o visokom obrazovanju ("Službene novine Kantona Sarajevo" broj: 33/17.), člana 135. Statuta Univerziteta u Sarajevu, člana 63. Pravila Filozofskog fakulteta Univerziteta u Sarajevu - Prečišćeni tekst, člana 23., 24. i 25. Pravila studiranja za treći (III) ciklus studija na Univerzitetu u Sarajevu, Odluke Senata Univerziteta o saglasnosti za otvaranje trećeg ciklusa studija iz sociologije broj: 01-38-2315/10 od 22. 9. 2010. godine, Prijedloga Vijeća doktorskog studija od 17. 3. 2018. godine, Prijedloga odluke Vijeća Filozofskog Fakulteta broj: 03-09/80 od 4. 4. 2018. godine, Odluke Senata Univerziteta o saglasnosti na raspisivanje konkursa za upis studenata trećeg ciklusa studija - doktorski studij koji se organizuje iz matične oblasti sociologija, pod naslovom Savremena sociologija i globalizacijski procesi u studijskoj 2018/2019. godini broj: 01-405/18 od 25. 4. 2018. godine i Prethodne saglasnosti Ministarstva za obrazovanje, nauku i mlade Kantona Sarajevo na raspisivanje konkursa za upis studenata trećeg ciklusa studija – doktorski studij koji se organizuje iz matične oblasti sociologija, pod naslovom Savremena sociologija i globalizacijski procesi u studijskoj 2018/2019. godini broj: 11/05-38-18430-7/18 od 19. 6. 2018. godine, Filozofski fakultet Univerziteta u Sarajevu *objavljuje*

KONKURS

za upis studenata TREĆEG CIKLUSA – DOKTORSKI STUDIJ POD NASLOVOM
SAVREMENA SOCIOLOGIJA I GLOBALIZACIJSKI PROCESI
na Filozofskom fakultetu Univerziteta u Sarajevu u studijskoj 2018/2019. godini

I

Konkurs se raspisuje za upis studenata u treći ciklus studija – doktorski studij koji se organizuje iz matične oblasti sociologija, pod naslovom Savremena sociologija i globalizacijski procesi.

Studij se organizuje u trajanju od tri godine, a njegovim završetkom stiče se naučno zvanje doktor socioloških nauka/znanosti.

II

Pravo pristupa doktorskom studiju i podnošenje prijave imaju slijedeći kandidati:

1. Kandidati koji su stekli diplomu drugog ciklusa studija i akademsku titulu magistra ili ekvivalenta iz oblasti društvenih nauka stečenu na Filozofskom fakultetu Univerziteta u Sarajevu.
2. Kandidati koji su stekli diplomu drugog ciklusa i akademsku titulu magistra ili ekvivalenta na drugoj visokoškolskoj ustanovi u zemlji i inostranstvu.

3. Kandidati koji su stekli naučni stepen magistra po ranijem Zakonu o visokom obrazovanju, kojima se priznaje 60 ECTS bodova.

4. Kandidati strani državljani prijavljuju se na konkurs pod istim uslovima kao i državljani Bosne i Hercegovine uz uslov da dostave rješenje o nostrifikaciji.

III

Studij se organizira kao redovni i kao vanredni studij u zavisnosti od interesa i mogućnosti pohađanja prijavljenih kandidata.

IV

Visina školarine iznosi 5.000,00 KM po godini studija.

V

Nastava za studij će se organizovati ukoliko se na konkurs prijavi najmanje 3 kandidata

VI

Uz prijavu na konkurs, kandidati su obavezni dostaviti:

1. Biografiju
2. Diplomu o završenom prethodnom obrazovanju (original ili ovjerena fotokopija)
3. Rješenje o nostrifikaciji (original ili ovjerena fotokopija)
4. Uvjerjenje o položenim ispitima iz prethodnog studija i pojedinačnim predmetima (original ili ovjerena fotokopija)
5. Izvod iz matične knjige rođenih (original ili ovjerena fotokopija)
6. Uvjerjenje o državljanstvu (original ili ovjerena fotokopija)
7. Potvrda ili neki drugi dokaz o poznavanju stranog jezika (original ili ovjerena fotokopija)
8. Uplatnicu od 40 KM (Svrha: prijava na konkurs, račun broj: 1401010000418297, SBEBANK BH)

VII

Konkurs ostaje otvoren do 30. 9. 2018. godine.

Prijave dostaviti na adresu: Filozofski fakultet Univerziteta u Sarajevu, ulica Franje Račkog 1, 71 000 Sarajevo, Prijave sa naznakom „Prijava za upis na doktorski studij iz sociologije“ u zatvorenoj koverti.

Obrazac prijave može se preuzeti na Protokolu Filozofskog fakulteta Univerziteta u Sarajevu, soba 75, ili sa WEB adrese Fakulteta www.ff.unsa.ba.

Konkurs za upis na III ciklus studija produžava se do 30. 11. 2018. godine.